


BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOSKI KANTON
GRAD ZAVIDOVICI
GRADSKO VIJEĆE
Komisija za društvene djelatnosti, Ijudska
prava, mlade i ravnopravnost spolova
Broj: 01-04-2063/22-AP-1
Datum: 19.07.2022. godine



Na osnovu člana 15. i 17. stav 1. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), i člana 18. stav 2. Odlukom o priznanjima općine Zavidovići („Službeni glasnik Općine Zavidovići“, broj: 2/17), Komisija za društvene djelatnosti, Ijudska prava, mlade i ravnopravnost spolova, objavljuje:

JAVI POZIV
za podnošenje inicijativa za predlaganje
dobitnika priznanja Grada Zavidovići

U povodu 15. Septembra – Dana Grada Zavidovići, u skladu sa Odlukom o priznanjima Grada Zavidovići, Gradsko vijeće Zavidovići dodjeljuje pojedincima, ustanovama, organizacijama, udruženjima, privrednim društvima, drugim pravnim subjektima te stranim licima i međunarodnim organizacijama, priznanja općine Zavidovići:

- Plaketa Grada Zavidovići,
- Počasni građanin Grada Zavidovići,

Plaketa Grada Zavidovići je najviše priznanje koje Gradsko vijeće Zavidovići dodjeljuje pojedincu, ustanovi, organizaciji, udruženju, privrednom društvu i drugim pravnim subjektima za izuzetna ostvarenja i postignute rezultate rada na svim područjima privrednog i društvenog života, a koja su naročito značajna za Grad Zavidovići i njegovu afirmaciju u narednim periodima.

Plaketa se može dodijeliti svake četiri godine najviše u jednom primjerku.

Uz Plaketu se dodjeljuje grb Grada Zavidovići.

Uslovi za dodjelu Plakete Grada Zavidovići podrazumijevaju aktivnosti za ostvarenje značajnih inovacija, ostvarenje značajnih djela i ukupni rezultati rada, koji su doprinijeli kroz nova ulaganja u proširenje proizvodnih kapaciteta i zapošljavanju, dalji izuzetan doprinos odbrambeno-oslobodilačkom ratu ili su njihovi doprinosi i rezultati rada stekli značajnu primjenu u jednom ili više područja privrednog i društvenog života.

Kriteriji za rangiranje kandidata za dodjelu priznanja Plakete Grada Zavidovići su:

a) Za ustanove, organizacije, udruženja, privredna društva i druge pravne subjekte koji u pravilu sa kontinuitetom u jednom vremenskom periodu koji nije kraći od deset godina daju:

- doprinos razvoju grada Zavidovići kroz nova ulaganja u proširenje proizvodnih kapaciteta,
- doprinos u značajnjem upošljavanju nove radne snage,
- rezultate u oblasti zdravstva, obrazovanja, nauke, kulture, sporta, zaštite radne i prirodne sredine i koji se značajno angažuju na harmonizaciji međuljudskih i međunacionalnih odnosa i ostvarivanja prava građana,
- izuzetan doprinos u drugim područjima rada i djelovanja, te da taj rad i djelovanje doprinose ostvarivanju interesa općine Zavidovići.

b) Za pojedince koji su u pravilu sa kontinuitetom u jednom dužem periodu koji nije kraći od 10 godina :

- postali inovatori na tehničkim i drugim unapređenjima.
- posebno doprinijeli razvoju lokalne samouprave u općini i mjesnim zajednicama,
- ostvarili izuzetne rezultate u oblasti sporta, vaspitno-obrazovnom radu, naučnom radu, u oblasti umjetnosti i kulture,
- kao donatori humano postupali prema pojedincima i kolektivima,
- objavili više naučnih verifikovanih radova,
- dali izuzetan doprinos u drugim područjima rada i djelovanja.

Izuzetno priznanje Plaketa za pojedinca može se dodjeliti nosiocu priznanja koji je iskazao izuzetnu hrabrost i požrtvovanje u određenim situacijama ili dao izuzetan doprinos odbrambenom ratu bez obzira na protek vremena i kontinuitet u radu i djelovanju.

Počasni građanin Grada Zavidovići je priznanje koje Gradsko vijeće Zavidovići dodjeljuje građanima Bosne i Hercegovine i stranim državljanima koji su u dužem vremenskom periodu vodili aktivnosti i poduzimali konkretnе radnje u pravcu afirmacije općine/Grada Zavidovići, koji su konkretnim radnjama i djelovanjem doprinisili razvoju općine/Grada Zavidovići u određenim poljima privrednog i društvenog djelovanja.

Priznanje Počasni građanin Grada Zavidovići može se dodjeliti svake četiri godine najviše u jednom primjerku.

Uslovi za dodjelu

Počasni građanin može biti lice koje se aktivno zalagalo i uspješno djelovalo na polju poboljšanja međunalacionalnih odnosa, ljudskih prava i sloboda, vjere i kulture, demokratskih tekovina, humanosti, solidarnosti, razvoja privrede i zapošljavanja i drugim poljima kojima se stvaraju uslovi boljeg življenja.

Priznanje Počasni građanin ne može se dodjeliti osobama sa prebivalištem u Gradu Zavidovići.

Nosiocu priznanja koji je proglašen Počasnim građaninom dodjeljuje se Ključ Grada Zavidovići.

Za rangiranje kandidata za dodjelu priznanja Počasni građanin Grada Zavidovići primenjuju se slijedeći kriteriji:

- postali inovatori na tehničkim i drugim unapređenjima,
- posebno doprinijeli razvoju lokalne samouprave u općini i mjesnim zajednicama,
- ostvarili izuzetne rezultate u oblasti sporta, vaspitno-obrazovnom radu, naučnom radu, u oblasti umjetnosti i kulture,
- kao donatori humano postupali prema pojedincima i kolektivima,
- objavili više naučnih verifikovanih radova,
- dali izuzetan doprinos u drugim područjima rada i djelovanja, s tim što rad nosioca priznanja na aktivnom zalaganju i uspješnom djelovanju mora biti sproveden u kontinuitetu u jednom vremenskom periodu koji nije kraći od pet godina.

Izuzetno priznanje Počasni građanin Grada Zavidovići može se dodjeliti nosiocu priznanja koji je ostvario impozantan rezultat ili podvig u sferi društvenog i privrednog života, iskazao izuzetnu hrabrost i požrtvovanje u određenim situacijama ili dao izuzetan doprinos odbrambenom ratu bez obzira na protek vremena i kontinuitet u radu i djelovanju.

Inicijativu za dodjelu priznanja Plaketa Grada Zavidovići i Počasni građanin Grada Zavidovići, mogu podnosići:

- grupa građana od najmanje 20 lica sa svojeručnim potpisom i matičnim brojem,
- ustanove,
- privredna društva,
- savjeti mjesnih zajednica.

- udruženja građana,
- Gradonačelnik,
- vijećnici Gradskog vijeća Zavidovići,
- radna tijela gradskog vijeća Zavidovići,
- i drugi pravni subjekti.

(Forma inicijative)

Inicijativa za dodjelu Plakete Grada Zavidovići i Počasnog građanina podnosi se u pismenoj formi sa obrazloženim navodima svih relevantnih činjenica za ocjenu zasluga odnosno uspjeha predloženog kandidata, te mora sadržavati potrebne dokumente i priloge kojim se dokazuju činjenice iz inicijative.

Inicijativa mora sadržavati:

- podatke o podnosiocu inicijative,
- biografiju kandidata i naznaku priznanja za koje se predlaže.

Podnositelj inicijative ne može sam sebe predlagati, niti može biti kandidat za dodjelu priznanja.

U slučaju da podnositelj inicijative bude predložen i kao kandidat za priznanje, dužan je da pismeno odustane od prijedloga ili kandidature.

Priznanje Plaketa Grada Zavidovići i Počasni građanin Grada Zavidovići ne može se dodijeliti nosiocu priznanja kojem je već dodijeljeno takvo priznanje

Nosioци priznanja Spomen plakete općine Zavidovići dodijeljene po odredbama Odluke o ustanovljenju i dodjeli Spomen plakete općine Zavidovići i drugih općinskih priznanja («Službeni glasnik općine Zavidovići», broj: 3/2001) ne mogu biti predlagani niti im se može dodijeliti priznanje Plaketa) – uvid se može ostvariti u pregledu dobitnika Spomen plakete općine Zavidovići za 1998. - 2016. godinu.

Rok za podnošenje prijedloga je do 20.08.2022. godine.

Javni poziv je objavljuje u lokalnim medijima („Smart TV”, „Radio 1503“), na oglasnoj tabli i web stranici Grad Zavidovići i oglasnim tablama mjesnih zajednica u trajanju 30 dana, od 20.07.2022. godine do 20.08.2022. godine.

Nepotpune i neblagovremene prijave na Javni poziv nadležna Komisija neće uzimati u razmatranje.

Prijedloge uputiti na adresu: Grad Zavidović, Gradska Vijeće, Komisija za društvene djelatnosti, ljudska prava, mlade i ravnopravnost spolova, sa naznakom „Prijedlog za dodjelu priznanja Grada Zavidovići - ne otvaraj. Ulica „Safvet bega Bašagića“ b.b. 72220 Zavidovići. Prijedlozi se mogu uputiti putem pošte ili predati neposredno na protokol Grada Zavidovići. Više informacija putem telefona 032/206-776 ili 032/206-778.

PREDSJEDNIK KOMISIJE

Haris Ibrić

